

岱

史

岱史第四附神字號目錄

賜進士督理山東鹽課監察御史嶺南譚 瞽 定

賜進士山東都轉運鹽使司運使豫章甘一驥 閔

賜進士山東都轉運鹽使司同知西浙查志隆 譚

賜進士東右布政前翰林院學士河北張續彥 周 捕

鄉進士東都轉運司以道臣行事登封傅應星 重 利

卷之十靈宇紀

孔子至聖殿

安神祝文
岱巔修建孔廟
英記

魯兩先生祠

吳寬記
懷英記

卷之十一 宫室志

觀海亭

挾僊宮

過化亭

仰止亭

東公署

乾坤樓

半山亭

五松亭

誠意門公署

巖巒亭

建茶
記畧

飛雲閣

醴泉亭

更衣亭

且止亭

迎賓堂

誠明堂

御香亭

泰山書院

泰陰亭

吳從
舊記

環翠亭

萃美亭

徐琰
記畧

懷液亭

高山流水亭

萬春石壁

記畧

環詠亭表章誌范歐陽諸名賢遺蹟議

白雲軒巡撫都御史李戴記

卷之十二 物產志

木 果 花

藥 穀 貨

茶 荚 五金

鳥 獣 魚

水

卷之十三 香稅志

委官員額

委官期限

香稅事例

混施事例

會計事例

卷之十四災祥志

漢

晉

東魏

後齊

唐

宋

明

清

元

鄉進士山東運司經歷荆門戴相堯

校梓

岱史第十卷靈字紀

此卷特錄吾夫
魯而先生祠附

子殿宇蓋別於神佛廟
馬以存道脉云

而

在嶽顛玉皇頂西稍下可半里許其地
相傳為越觀峰其下為孔子崖意者韓詩外傳所
云孔子登泰山望見吳闔門白馬以示顏子此豈
即其地耶嘉靖間尚書朱衡謀拓基於此構建祠
宇以奉孔子迄遷任弗果萬曆十有一二年間先
任濟南府都推官大猷創議建正殿三間前為門
一間四圍垣墻俱全專為崇奉孔子設也不以遷

任未及安神奉祀以竟其事今鹽臺侍御譚檄
脩岱史稽考勝蹟有司議請重脩前項殿宇奉孔
子神主配以顏曾思孟悉如學宮之制春秋行釋
菜禮仍於殿之兩偏構道房居黃冠以供掃除云
其時撫臺中丞李按臺侍御毛悉可其議行
藩司覆覈備舉由是孔子與群賢登臨遺蹟昭揭
於泰山相為終始瞻仰者快焉

巡按御史毛在委官安神祝文

雖年月日致祭於

至聖先師孔子曰猗維聖師天縱其生貞元萃其氣光徽儲其精然徽莫崇於岱故其儲精也不偶而聖莫崇於聖師故其取精也獨宏麟綏尼山近接介丘而應瑞龍吟洙泗淵源泮水以蜚英嘗聞登泰山而小天下迄今貽芳躅而永鴻名令人想見其丰采罔不願聆其英聲恍若群諸弟子凌陟千仞之上手提魁斗揭日月而開群盲又若鼓每陵之歌盪激天籟鏗鏘然與松風笙鶴而齊鳴又若裁帝王之六籍卷舒雲錦不崇朝而兩化乎八

紜蓋岱宗雖峻極得聖師而益巒崕聖師之神道
雖無乎不在而於生平勝覽詎不益朗其神情是
用跡夫登臨之地崇祠而奉主時舉釋菜之禮俎
豆而粢盛豈惟高山仰止之思興起千百世如一
日行見齊魯一變之化不越衽席而漸摩平斯至
斯堪則今茲所為嚴事尤不勝其悃誠也敬奉

寢聖顏子 宗聖曾子 述聖子思子 亞聖孟
子配享左右共妥神明亦謂夫四子之於聖師猶
群獮之於泰山而當年之步武屬々幸靈光之相

倚晶晶尚饗

巡按御史毛在訂定常祀祝文

維年月日致祭於

先師至聖孔子曰維聖天縱惟巔

降神大哉夫子無
聖絕倫乾坤化育

帝王經緯岱宗仰止振衣登臨一時過化萬載洪

鈞肅瞻廟貌吾道常新消茲

春秋仲
敬薦明禋以

復聖顏子

宗聖曾子

述聖子思子

亞聖孟子配

饗

查志隆岱嶺脩建孔廟謨

竊照泰嶽靈區在寰寧最勝而古初遺蹟惟聖哲
尊崇然聖哲中之有孔子猶山阜中之有泰嶽也
豈惟誕育降自嶽神迺其里居尤為密邇遐想轍
環之日師弟子相從登高覽勝者屢矣故孟子則
云孔子登泰山而小天下禮記檀弓則云孔子過
泰山側問婦人之哭而嘆苛政猛於虎列子則云
孔子遊於泰山問榮啟期之三樂而善其能自寬
韓詩外傳則云顏子從孔子上泰山望吳閭門之

繫白馬而顏子對以有如繫練孝實錄則云曾子
耕泰山下思其父母而作梁山歌凡此故實鑒
可據若孟子生時則其母夢神人乘雲自泰山來
覆於其居而宋儒稱之曰泰山巖巖氣象其言豈
無稽哉由斯以觀則泰山勝蹟孔子稱首而顏曾
益三賢皆踵其芳躅者也夫何時世變遷踪跡底
滅惟孔子崖銅像僅存殘毀者半而顏曾孟杏然
無可考見夫老佛之宮廣袤山谷燦爛丹青固無
庸置論即如宋時孫明復石守道兩先生猶然俎

豆秦嶽之麓而聖如孔子賢如顏如曾如孟生平
固其涉歷之地沒後獨無棲神之所臨風吊古寧
不感懷查得嶽頂玉帝觀之西有空殿三間牆垣
俱全其中絕無神佛塑像蓋在二三年前先仕濟
南府推官郝大猷創議營構原為崇奉孔子設也
續緣本官遷任未竟始謀迄今廟宇空虛漸至傾
壞然因其舊貲加以繕脩費既不多工可刻日相
應命官經費慮材鳩傭待其脩理完日於殿內設
立孔子神座神主正中南向而東西配以顏曾孟

併入予懲咎神虛神主東西相向一如學宮之制
春秋丁祭每歲嘗香祝官備辦祭品照州縣釋菜
奠肴各神座前一卓其牲則犧供猪一口羊一
口本官如期致奠仍於殿傍構道房三間責令本
山道士二名常住看守報名在官以便稽查及孔
子崖銅像亭宇一併修整仍於舊址供奉則聖賢
遺蹟永與泰岱為始終而廟貌崇嚴足慰萬世之
瞻仰非特斯文之幸實重山靈之光以此紀載簡
編不亦輝奕興墳哉

萬曆拾肆年拾月拾日議

明復石守道其廢興具金學士承旨覺懷英及

國朝大學士吳寬撰祠記

懷英記

魯兩先生曰孫明復石守道氏宋祥符天聖間以仁義忠孝之道發於文章為諸儒倡當世大儒如文忠歐陽公文正王公皆尊禮之故其沒也歐陽公為誌其墓蓋比之孟軻韓愈之流其羽翼聖道立朝行已治行於始偉如也初兩先生築室泰山

卞以為學館屬大關嶽祠壩基甫迫乃北徙山麓而以舊館為柏林地歲分施錢為養士之費學者至今賴之而鄉人指以為上書院者則其所徙地也大定間嶽祠火越明年有詔營建乃命更新廟學已而諸生相與言曰昔兩先生宦學汶上汶學祀之不忘吾儕居其鄉食其德乃可遂已乎於是兩先生諸孫聞其言更出所有作為祠堂於大門之左以成學者之意石先生之孫震使其姪翊走京師屬其門婿党懷英書其本末將刻諸石懷英

曰兩先生之道垂於後世炳如日星奚患無傳雖然有一言焉方孫先生以春秋之學教於魯石先生蓋師事之時給事孔公道輔聞其名自充來謁孫先生既出應客而石先生執杖屢侍其左右升降拜伏皆扶之其往謝也亦然繇是魯人始識師弟子之禮士風為之一變近世士尚剽竊以從師親友為耻忠厚之道不著久矣國家尊經養士將使人人為鄒魯固當師承鴻碩因文以入道德之奧而後游兩先生祠下而食其餘庇可以無愧矣

吳寬記

魯兩先生者為宋泰山先生孫公明復徂徠先生
石公守道也祠始建於今泰安州治之西而隣於
岱廟金源時遂為廟併元改建於岱麓已而復為
浮屠氏據入國朝乃附祠於州學而規制狹隘
祀事簡率無以慰魯人之思至是州守前進士德
清胡君瑄言於巡撫山東左副都御史無錫盛公
謂其事繫風化甚重請於朝事下禮部議從之仍
俾有司每歲春仲祀羊一豕一鉶為常典於是

胡君復請於藩臬諸公擇地得於州治之東南以
成化二十三年八月建祀焉工未畢盛公以請老
去而眉山吳公來代尊重其事趣成之胡君乃以
書來請記於石予惟人賢君子所以能使人久而
追崇者非區區末學所知顧請之之意堅不可已
也惟兩先生在宋盛時泰山來自平陽而寓於魯
其學長於春秋著尊王纂微簡易公平多得經之
本義一時名公賢士尚其學行至婁以女或就見
之後范文正公富鄭公文薦其賢始授官官止殿

中丞徂徠則生於魯者當孫公居泰山之時實師
事之其為人好善嫉惡嘗著恠說中國論及唐鑑
以為世戒而慶曆聖德詩尤為人所傳誦常以經
術教授於鄉後卒太學益以師道自居太學自此
而興初舉進士甲科官止太子中允蓋兩先生平
生見於歐陽文忠公墓誌而國史取以為傳者其
大畧如此按其言論其世信其為大賢君子卓然
出乎流俗而袞然為一方之望者也故在當時並
為人所尊仰至即其所居山稱之以配其德可謂

至矣泰山雖嘗被薦而人亦嫉之不得盡其用差
徂徠之剛直既沒而禍患作幾不能保其遺骸而
庇其妻子蓋小人之不相容亦勢之所必至者今
去之六百年雖天下知有兩先生而魯為所寓所
產之地道德之風藹然猶存宜人尤尊仰之祠廟
煥焉而不至卒廢人心之公不能自己如此又歐
陽公所謂發先生之光者今則愈久而愈光矣兩
先生墓處守臣又推朝廷尊賢之意既加封護惟
謹且二氏碑皆有後而石差繁縝選其人入學充

弟子員魯人之思庶幾慰之因併載某事俾刻之
祠下云

岱史第十一卷宮室志

叙曰志宮室者何志其宅岱宗之勝而登臨者籍以盤桓也夫自古名亭佳館崇閣危樓必據山川之勝槩斯擅寰宇之偉觀而勝莫如岱則據勝莫如岱宮室矣天地其籩篠日月其戶牖烟霞其几席風雨其洒掃不越乎楹櫺櫳櫬而超然遠凝邈然周覽曠然出人境惟茲獨也豈不稱上界清都哉其間過化亭則宣聖之芳躅泰山書院則孫石名賢之故墟觀海亭峽仙宮則浴日御風之氣槩仰止亭迎賓堂則奉

逐

朝命而禮當途之冠裳此又宮室中最稱勝者大抵
危崖峻嶺之上材木銳斧轉運最艱即一磚之費十
倍平地乃其後夫戩嶇血汗可憐之狀余嘗目擊焉
而雲蒸霧鬱日烈風剛於漶圮又最易以故有崇構
見稱於古而今僅存其名者余嘗謂岱巔工役勿務
華務堅固勿務新創務時葺舊構勿待其大傾頽然
後葺之以致耗財動衆而居守又必有專責焉是亦
節愛之一事云

觀海亭即日觀亭在嶽頂日觀峰秦鈁樊獻科題石
扁曰日觀楊綵立石碑二曰東觀日本西望河源
蔡叔廉勒石坡曰天下名山第一

挾仙宮在嶽頂觀海亭之西萬恭題扁曰憑虛御風
宮後石屏大書曰孔子小天下慶嶽頂公署惟此
景寬廣達官燕飲恒於斯

過化亭在嶽頂稍西孔子崖吳謙勒石崖曰泰山喬
嶽

仰止亭即西公署也在碧霞宮西前後三間俱有翼

室前巡撫都御史今工部尚書何起鳴題扁曰仰
止云天柱峰王女池秦斷碑俱在亭之後凡達官
止宿恒於斯

東公署在碧霞宮之西其制稍隘於西公署香稅摠
巡官憩息之所

乾坤樓在大龍峪下侍郎洪朝選題今名扁侍郎萬
恭又扁前楹曰礪山帶河

孚山亭在朝陽洞之西南山上

誠意門公署在誠意門之西凡三間傍有翼室

前後俱三間前廳有翼室亭前秦始皇封松
樹五故名又名御帳以宋真宗曾此駐蹕也今其
松存者二焉是亭當嶽之中道達官每飯中大於
此或於誠意門公署

張公亭取義於詩舊在岳麓王母池東成化間叅政
張盛移建水簾洞左

飛雲閣在岳南阤曰紅門歲久圯廢今累石為臺上
有棟宇下通梁道猶閣之制也方元煥書扁曰梯
雲石刻曰蓬玄洞天邢一鳳篆書曰仰止

西山流水亭在晒經石隆慶間都御史萬恭剏建自為之記

萬恭石壁記

余既表泰山之嶺掠岱麓而南下則憇晒經之石
石廣可數畝偏刻梵經皆八分書大如斗不知何
代所為近有好奇者則刻大學聖經於上端以勝
之余乃大書曝經石字皆博可六七尺刻深三寸
垂不磨以助其勝北聳石巖石若斬截而成澗泉
漫石而下以懸于空巖若垂萬珠焉余輒大書水

簾字深刻之水漸漸浙字上字隱隱匿水中斯泰山之至奇觀也已乃穿澗水而西得石壁高約十五尺廣約四十尺突岀天成下擁石基余東向而立則水簾之泉泠泠出其左而桃柳數十株蔚蔚其右余遂倚石壁為之亭亭悉以石石柱四直入石基其深尺有咫上覆以石板令永父登泰山者得憇息萬襍焉余嗜鼓琴輒顧從者曰夫是倚岱麓之壁也斯不亦高山乎夫是臨水簾之泉也斯不亦流水乎為子援琴而絃之邀泰山之神聆廣

陵之歌若將巍巍乎志在高山也又洋洋乎志在
流水也是謂神品亦謂神解從者悅遂命之曰高
山流水之亭

更衣臺在岳之紅門道左凡衣冠之士登岳至是易
便服以行故名

更衣亭在更衣亭西有石刻亭名三天字

延禧堂在岳祠東齊之南有司宴 王人及大賓客
之所

延禧堂在岳廟內之西延禧殿後凡 朝廷遣大臣

有事于岳者居之

御香亭在誠明堂後凡朝廷遣使賚香於岳廟宿

置於亭揮告而後奠神壇周石刻名人詩文在焉

泰山書院

在岳南凌漢峰下舊為唐詩人周朴菴後

為孫復石介胡瑗講習之地嘉靖間按察僉事盧

問之創三楹妥孫石靈位尚賢存古蹟也邵賢有

詩曰千古清風仰孫石獨遺堂址向岩隈

泰陰亭

在州城之南宋真宗登封古蹟也巡按御史

吳從憲建亭有記

吳從憲泰陰記畧

余按山東之明年暮春三月循泰山將有事於岱萊因與同事諸司臨拜攢祠陟登封臺而徃蹟之僅存者惟秦之斷碑與唐之磨崖其他皆湮沒磨滅不可復覩及還州治知州事李逢暘請曰城南有陰字碑者乃宋真宗御書封禪紀文距州半里而近此祥符中東封故蹟也時偕同事徃觀之碑凡五面相合而成矻然如列屏嶂非特其製與他碑迥異而其敬天尊祖謙遜辭讓之意百世之下

讀其文字猶令人肅然歛容稽首而莊誦之也然
而時移代變昔之金泥玉檢光華萬丈今則委塵
委翳於荒墟莽莽之區其不為湮沉磨滅者無
矣余因是竊有慨焉乃戒有司除地築亭于陰等
之北是秋九月望日從事者均來告成亭凡五楹
砌以石址臨于壕渭重門深迥畫棟高暉碑珉峙
前儼如上帝之臨雉堞擁後恍若海市之觀北嶺
泰嶽壁立萬仞則勃然仰止之思南眄徂徕直道
偃蹇則惕然尚友之志視嚮日荒墟莽莽之區今

則巖巒巋巍廓然大觀非直為是州奇勝而奎章
宸翰輝映今古真亦有光於泰巖也矣於是命工
人篆其碑之南曰秦陰碑揭其亭曰昭事上亭置
其門曰升中古蹟州之士民樂甚有斯亭也夾道
樹以槐柏後渠種以芰荷仍取其地之中作為花
塢周以柵欄多植奇葩叢草以待四方賓客之觀
翼亭之西拓地半畝築室教誨以為往來憩息處
蓋之所由是至斯亭者莫不徘徊竟日而不能去
也嗚呼可謂盛矣

翠亭在萬里社首二山間鑿此北眺岱岳餘三面
則鞍牛徂徕諸山蒼翠環峙故名

翠亭在岳之西趾去州治十里金知州姚建崇建
元奉高尹王悟重脩廉訪使徐琰記亭本廢記石
移置文廟

徐琰記畧

天下名山巍然而大岩然而尊者泰山而已泰山
勝境窈然而深蔚然而秀者西溪而已溪名岱宗
之右麓延袤數十里樹林陰翳磴道崎嶇清泉奇

石塊瑋萬行愈遠而山愈奇境愈勝徑溪之所
窮頽崖百丈懸流下擲望之如垂練天神泉也天
紳之西有巨壑焉一水自天勝巖落為盤石所散

漫瀉於壑之上簷若建瓴然水簾洞也而又芙蓉

懸刀飛鴉獅子諸峯削翠其上黑蛇白龍神潭水

府潛珍其下雲烟吐吞晦明變化跳珠濺沫蟲聲

掣電顧接有所不暇真山水之窟宅大壤之奧區
也金大定間泰安太守妣公面水簾而瞰天神劍

構一亭樽俎不移而諸景咸會因榜之曰萃美亭

詩有云江山雖有亭榭難穩登臨不得要萬象各偃蹇吾不知此間得登臨之要有如此亭者乎

望江亭

在岳頂玉女池北宋建今廢

望江亭

在天書觀宋竹所建

望江亭

在東嶽廟御香亭西周垣畝許四面石刻古

今名人詩詠故以命名也其間有韓琦蔡襄范仲淹歐陽修石曼卿蘇子美林逋諸公題識種放會真宮詩而放刺則堙沒不可見矣惟諸公題識姓

名尚在歲久亭廢諸石刻淪於荒穢中萬曆十四年
攀臺侍御毛元行後項呈議委濟南府通判
桑東陽仍甚舊址公後構亭宇特輯范歐陽諸公姓
名手筆拂拭而維一臥之先賢數百年遺蹟益重光
焉足以昭示將來仰知所仰止云

查志隆表章韓公歐陽諸名賢遺蹟議

照得泰山形勝古之登覽遺蹟種種無庸彌述夫
貌文尚矣人品急而惟其人誠賢故其言誠立即
片語隻字而姓馥之名聲當世想見其羊未後世聞

之亦莫不遷慕興起何論模彷其文華輒失形神
其實行以此磨礪人材維持世道故其遺蹟有足
多也竊見岱廟西偏一御香亭之右自古有環詠
亭一座其來久遠不知創自何代何年蓋西面垣
墻俱石刻先代名賢題詠聯翻手筆而亭宇介於
其中瞻顧諸所題詠若環繞焉故因以命名也其
間名賢之最著者若韓魏公若范文正公若歐文
忠公若蔡端明蘇子美梅聖俞林和靖石曼卿諸
公皆先宋人物其手筆尤不容湮沒者柰何近歲

亭宇久廢尚幸亭之稱名存於舊志中職據舊志而求故址則彼鄉人士絕無知者轉叢諮詢延歷時日今幸得其故址幸四面垣墻石刻依然尚在只廢缺一隅更幸韓范歐蔡諸名賢手筆無恙惟是塵埃滿壁未易分披污穢蘊崇不堪舉趾職於茲深慨焉俯仰古今其責在後之君子若不及今為之表章則四面垣墻旦夕盡廢不止僅廢一隅而已何忍諸名賢數百年遺蹟當盛世而湮沒豈不有媿於斯文哉况舊基可仍不以新剗而一

亭工費為值幾何合無仍其舊址復構亭宇仍偏
曰環詠而四面垣牆_下題詠見存者拂拭之其一隅
已廢缺者即將_上國_上名賢題詠補入而繕完之
則豈惟更新先宋諸_上賢遺蹟而益彰_上國朝人
文之盛豈惟增光岱_上嶽相為終始而於所謂磨礪
人材維持世道者未必不藉此興起也職不勝大

頤萬曆十四年十一月廿五日識

在嶽頂西南稍下鳳凰山之陽有白雲洞焉
萬曆十四年巡撫都御史李以禱雨登岱賞識

其勝協謀於巡按御史韓 建枋以表之又為
之亭為之軒巡按御史毛 繼代其落其成詳見
記文中

都御史李震白雲軒記

今歲夏余祇奉

上命填撫東土時苦旱魃為災未及受代輒禱于泰山之神為元元乞一旦之命竊私念公平傳所稱不崇朝而雨天下者泰山之雲也今安得為雲為雨即符所禱哉已而見白雲裊裊布濩山谷蓋自

白雲洞中出也因往躡之則在鳳凰山之陽石礎
趺絕而下洞高丈許廣亦稱是中有石竈廣二尺
深僅尺許而洞之下陡峻深谷又不可測所謂百
丈崖者是也洞中石竈四時水常溢注其來無形
不知所自夏月則其勢愈盛沛然旁達故相傳為
龍洞其霖又曰雲根雨脉云余於此益信雨天下
之言不誣也圖所為標其勝宜無如斯言者一日
以語益堂譚惺堂侍御則手筆兩天下三字勒石
洞門余檄有司樹之坊坊稍北構亭一楹亭稍北

構軒三楹而軒之宅勝最奇皆負石壁如屏左右
如翼獨開一面甚闊曠憑欄俯視大小龍峪如蒼
龍負水而山麓行人摩肩接踵雜遝如蟻近晚則
徂徠山當其左微來山當其右遠眺則云云亭亭
尼丘梁父又環列星羅爭竚奇偉意斯天下之大
觀也已陟斯洞憩斯軒者寧無霖雨天下之患乎
哉奚但選勝寧秀云爾有司謁余記之是舉也前
按臺韓西玄侍御與其識今按臺毛文源侍御會
其成其餘有司執事勒之碑陰

岱史第十二卷物產志

叙曰禹志乎物產也言物產莫尚乎山而泰山尤廣生大生之區也禹貢曰岱畎絲枲鉛松恆石神農經載泰山諸藥石而山海經曰其上多玉其下多金多水玉道書福地曰泰山多芝草玉石是皆物產之聞於古昔也譚者謂古昔山東富饒甲天下利賴於泰山居多有審然者自今觀之石山鮮茂林剛風罕宿羽寒窟無群獸危巖深澗詎復有良玉仙芝惟是藥草緣厓藥石滿谷如天麻青芝赤石脂紫石英諸靈

品絕異他產則永永為世人扶顛起死以弘濟壽域
莫為寶弗啻金玉而已夫泰山之興寶藏詎分古今
承古昔用之有節故恒見其富饒晚近堪費出不經
上既橫歛下復侈靡即罄山海之珍難乎其繼山東
富饒之不逮古其以是夫余於茲有深慨焉

有秦松在黃現嶺秦始皇登泰山遇風雨避於松
下遂封為五大夫五大夫者秦官名第九爵也唐
陸贊作禁中卷松詩云不羨五株封按史記但云
封其樹為五大夫不開有五株松之說而贊云爾

者何邪又李商隱有五松驛詩云獨下長亭念過
秦五松不見見輿薪又李白送人遊桃源亭詩云
登封泰山風雨暴作雖五松受職草木有知云云
唯舒王詠柏詩云老松先得大夫官乃為切當今
只存其一然非秦時故物疑亦後人續植者老幹
拳曲擁脰宛如蒼龍勢欲飛騰范宗吳勒石樹其
下曰五大夫松御帳坪稍北路傍古松一株緣崖
依峪盤結偃蓋若雲覆然其奇詭蒼鬱殆過大夫
松遠甚方元煥磨崖書其下曰處士松蓋尚其高

隱不羨秦封也。有漢柏在泰山之陽登封門之外山南廟左老柏數株相傳漢武帝封禪時所植有唐槐在嶽廟內奇古特異雖良工不能繪它若椿梧梓檜楸槲桑柘榕欒榆柳楊棟雖皆有之顧登封之地無喬林豐樾而取材于工師者或寡焉譚者謂岳多石少土難於滋植風剛日曬易致頽朽是豈山之性哉抑自古日尋斧斤而今莫為之栽培耶

素有梨栗棗柿梅杏桃李柰石榴銀杏桃李榆禽核

桃蒲萄羊棗文冠果無花果諸品多植于岳山園
林其在岳者多野生曰山榴獮桃野棠

有牡丹芍藥紫薇凌霄夜合辛夷長春麗春梔子
玉簪萱葵臘梅薔薇鷄冠鶯粟山丹月季蘭蕙茨
菰石竹菊百餘種蔓生於樹曰藤花可蔬鹿蕚花
別名曰黃花菜珎羨稱於天下而土人賤之不以
供客

以泰山著圖經者三十有九種曰青芝赤箭景天
遠志天門冬千歲蘿徐長卿太乙餘糧石龍芮石

鍾乳石硫黃白石脂赤石脂白石英紫石英玄石
滋石滑石雲母石絡石草龍骨伏翼話榆松肪相
實茯苓丹參茵陳茵芋女絳狼毒連翹藜蘆澤漆
瞿麥香附子玄胡索惟天麻獨異于它產但鮮而
難致有名在圖經而不以泰山言者四十有九種
曰蒼术黃精黃連黃芩玄參蝦參苦參沙參菖蒲
知母益母貫衆山查山藥地黃地榆地丁南星枸
杞木蘭防風荆芥芫花花椒百部百合草烏柴胡
牽牛桔梗藁本芳莞漏蘆鬼箭藜門冬葳靈仙白

薛皮青木香鬼見愁車前子硝石長石青蒙石金
星君銀星石金銀花馬兜鈴王不留行諸品惟沙
參獨良石花可已心疾傳金瘡憲患湘之可茶狀
如蒙山而氣味亦稍相類此則圖經所未載者

穀
有黍稷稻麥菽粟芝麻胡麻巨勝黍黃白黑三種
稷黃黑二種稻紅白二種麥有麰麰蕎三種菽青
黃赤綠黑刀扁諸種粟百餘種曰九里香化裏黃
其最佳者

眞有絲有木綿紬絹葛可為繩有麻繖蠶蠟

茶薄產巖谷間山僧間有之而城市則無也山人採青桐芽曰女兒茶泉崖陰趾茁如波蘂者曰仙人茶皆清香異南茗黃芽昔為茶亦佳松苔尤妙故蒔於畦圃者弗志其野生曰薺茶藜藿蓬芹枸杞椿棟榕櫟芽俱可菹香羨並異八麻樹芽和糜粥亦佳曰枸骨芽曰芳春上人甘之

金出萊蕪之黃山亦有黃白二土石焦二炭土可壘可圬炭石可薪而焦良於治頗為民利故又曰八寶山是為岳東支麓其西麓曰桃花峪山人昔

晉採白金礦。山海經云其下多金是也。又云其上
多玉今不可見。土人云巒巔間嘗一炫光彩意者
其玉韫之輝與。

鳥多野鵠巢巖穴及岳祠檻題多鳩雀有鷺鷥鷙
鴟鴞惟岳祠無鴟異哉。有曰巧婦爾雅釋杌蟲是
也。曰山僧聲如念佛曰紅娘子色如胭脂曰拖紅
練拖白練皆以尾色名。有雉鷄山雞野雞鴟鴞黃
鸝鶲鷂翡翠布穀畫眉有翠羽褐衣如畫眉者汝
有鴛鴦鷯鷂鵠鵠野鷺

有獐鹿羣兔兔有兩其足者不能走每跳一二丈
許曰跳兔有黃鼠蒼狐白狼在深山窮谷而登封
之地則無也山海經曰有獸焉其狀如豚而有珠
名曰狥狥今木之見豈山林古今之變而氣化有
不同與

有班文四五寸許四五月生嶽北溪澗中遇此則
無矣

冰凝嶽頂址十七生許陰掣中名曰天半天日不通之
地四特有之一不假伐藏

岱史第十三卷 香稅志

叔曰曷云乎香稅也四方祈禳之士女擇辦香謁欵
神明因捐施焉而有司籍其稅以助國也夫聚天下
香稅惟岱與楚之太和山也而太和山不以岳名則
無之有香稅惟岱也方其摩肩涉遠接踵攀危繩至
輜湊豈特助國而已興所賴以食力萬民賴以牟利
僧徒賴以衣鉢即行丐亦賴以湏臾無犯諸所為地
方利益甚博其究也蓋所賚金帛珠玉馬鞍等物以
奉神則有司日筦榷之歲兩會其成數是皆神靈所

感召也豈假於號召科責乎哉歟而不宰犧而能散
又非有神輸鬼運而人世自相贏衍何造化之妙一
至此也山東

皇畿左輔諸凡賦役獨先頻歲凶荒物力且日凋弛
令不籍是安所取辦天蓋保右

國家而陰以此佐六郡百姓之急耶其初惟籍諸藩
司以贍地方一切急需代田賦所不給也逋逋轉而
入之內帑歲有定額議者謂方今內帑累巨萬而不
可不盡此當州郡亦宜推廣靈貺惠澤香火之

地神意豈不其然此在求民瘼者所宜講也章程種
種具列如左

委官員額

舊例總巡官

員於府佐內行委專

督理香稅上下稽查是其責也分理官凡六員於

州縣佐貳官內行委坐定遙叅亭二員一枚本省

香稅一枚外省香稅俱填單給與香客玄武門一

員收山後香稅亦給單紅門南天門各一員俱驗
單放行頂廟碧霞宮門上一員查放香客出入凡

此員額其來久遠不知起自何年近該隆慶五年

議革遙叅亭官一員并紅門南天門驗單官二員
畫行裁革只存分理官三員一在遙叅亭一在玄
武門一在碧霞宮每遇香客衆多之時分理官力
不能支議者謂當時裁革太過今宜酌議稍增員
額

委官期限

近例每年分作三季上季自正月至四
月下季自九月至十二月其時香客衆多故總巡
官與分理官俱全數委用中季自五月至八月其
時香客不多故只委分理官不委總巡官又每

季完訖則急行別季故總巡官去住不常而分理
官亦嘗有奉委未到者此不惟錢糧重大所宜稽
查而億萬衆燭峩厓厓壑中安可不為之巡行存恤
也議者謂總巡官宜有專設俾之常駐

香稅銀局

舊例本省香客每名五分四釐外省香
客每名九分四釐俱店戶同香客赴遙參亭報名
納銀領單上嶺近自萬曆八年有外省香客冒充
本省報名短少香稅者因改議不分本省外省香
客一例香稅銀八分其銀各店戶包封署名包上

儲達參亭庫內待夏冬二季起解時店戶各認姓名領包領銷其間有等店戶當報名納銀之日將銅鐵抵換銀兩至起解領銷之日百計抵補不及有脫逃者有自縊死者凡此皆所目擊宜為酌處委官收銀間一開包驗實店戶領錠量行給與耗銀庶其少甦

退施事例

凡香客施捨金銀珠寶玉石首飾并金

銀娃娃銅錢及旛蓋袍服紗羅箋幣等項俱投在

深藏宮內屢次二季另委府佐

一員前往會同查

鑑定香稅委官登岸收檢諸所施捨前項物
件逐一驗看估計將金銀珠寶玉石首飾并金銀
娃娃銅錢等項同前項香稅銀一併解赴布政司
儲庫以待轉解支用其旛蓋袍服紗羅段幣等項
解赴濟南府儲庫支送三司堂上并首領與運司
濟南府各佐貳員下折俸

舊計事例
坐派一曰解部卷查嘉靖三十七年為傳奉事內
開泰山頂廟香錢除繡蓋袍服等物照舊該省官

員折俸外其餘金銀首飭等項按季類部等因以
後節年二季差官起解赴部據近年解部大約春
季銀一萬兩有零冬季一萬二三千兩有零一曰
存司專供公堂慶賀表箋扛夫車價公差人役
六房文冊紙劄寫字書手工食及德魯衡
三藩府各郡王祿糧等項一曰脩城其銀亦儲在
布政司以供脩理城垣之費一曰脩廟其銀亦儲
在布政司以供岳嶺諸廟脩理之費每香稅八分
內除五釐脩廟一曰公費在香稅各委官廩給并

跟隨人役工食其銀即於泰安州支給

曰銅錢

舊例解禮部近歲部中又不取解俱貯之滿司正
所謂錢累巨萬而貫朽云

卷十四 灾祥志

曰泰山之災祥也謂泰山氣化
者其災祥關係天下國家尤大也
往昔災祥見於泰山者如大石立
起而漢宣踐祚祥雲成闕而光武
興其祥之最著者乎驚鳥焚巢而飛
燕滅漢雄雉犯蹕而武氏易唐
其災之最著者乎若論夫災祥之實
孰有如宋嘉祐間泰山瑞麥一本五
穗則其祥可以養生他如御帳流洪
死於踐踏者頃刻六七十人三百餘
戶碧霞宮啓閉死於踐踏者

則其災至於戕生是又不啻穢祲朕兆所號為災祥而已夫災祥示人豈不昭昭然祥以符德或以道侈莫以告謹或以至成天意詎有常哉惟履祥而恭之故享有佳禎遇災而知脩故妖不勝德斯義也豈聖君賢相所宜講求即膺一命擔一爵者固不有愧而氣化之責毋以災祥為漫然無足省云

昭帝元鳳三年春正月泰山大石起立高丈五尺有白鳥數千集其旁僵柳復起生垂食柳葉成紋曰玄孫廟已方符節令眭弘以為石陰類下民象

當有庶人為天子者坐妖言伏誅其後宣帝起民
間

成帝河平元年泰山桑谷有鷙焚其巢郡人孫通等聞山中群鳥鷙鵠聲往視見巢蕪盡墮地中有三鷙轂燒死樹大四圍巢去地五丈五尺易曰鳥焚其巢旅人先咷後號咷京房易傳曰人主暴霄烏焚其巢其後趙飛燕姊妹尊寵後宮有子者殺之并殺其母帝崩后坐誅此焚巢殺子後號咷之應也一曰王莽貪霍而任社稷之重卒成易姓之

禍云

光武皇帝建武元年泰山雲氣成宮闕

章帝元和二年二月辛未幸泰山黃鵠三十經祠
壇上東北過于齋宮翶翔升降

晉武帝泰始四年七月泰山崩墜三里京房易傳曰
自上下者為崩泰山之石嶺而下厥應聖人受命
人君虜是後懷愍二帝俱辱虜庭淪胥於北元帝
中興於南此其應也

元帝太康二年六月泰山大水蕩析三百餘家溺

死六千餘人時平吳後王源為元功而誅勑妻加
荀賈為無謀而並蒙重賞收吳_{五千納之後宮}
此其應也

成帝咸康八年趙石虎建武八年有石然于泰山
八日而滅

宋武帝大明元年七月白雀見泰山

魏立武帝景明三年八月辛巳泰山崩湧水十七
處武定六年四月泰山甘露降

後晉天祐初泰山封禪壇玉璧自出夫岱山王者易

姓告代之所王璧所用之幣而自出特有異姓王者用幣之象其後齊亡地入于周及高祖受周禪天下一統焚柴泰山告祠之應也

文帝開皇十四年將祀泰山令使者致神像于祠未至數里野火歛起燒像時帝信謠猜忌滕王賛失志而死功臣多被夷滅其後太子勇被戮

高宗永徽二年七月泰山大水十三年十一月

戊子雉馴飛泰山齋宮內夫封禪所以告成方祀事無重於此者而野鳥馴飛不忌禁衛不祥

宋真宗

大中祥符元年五月泰山醴泉出丁丑玉母

池水變紅紫色按史乾封縣民王用田中有童兒

培土得青錢數十爭取之錢墜石罅因發石湧泉

二十四眼味極甘美又枯石河有湧泉二十五眼

一眼出層阜之上經宿勢浸盛引數派雙魚躍其

中有果實流出似李差小味甚甘制置使王欽若

貯水以獻六月庚戌賜百官詔建亭賜額曰靈液

六月王欽若至乾封上言泰山醴泉出天書見有

靈芝三萬八千二百五十本夫醴泉芝草固理之所生乃若天書之降

吾誰欺
天乎

十二月泰山玉女白龍王母池醴泉出

丁酉賜輔臣新醴泉

六年十月泰山興工有鳥

狀烏嘴趾皆赤後夫稍憇卽飛鳴作起之聲衆工

見其來畚鍤爭進將晡而去日以為常目為催工

鳥

仁宗嘉祐三年七月泰山上瑞麥圖凡五本

元世宗至元九年九月泰山滻兩河水溢圮田廬舍

稼

成宗元貞元年六月泰山大水

武宗至大元年九月泰山大水

仁宗延祐元年三月泰山霜雪三日

文宗天曆元年泰山大水

順帝元統元年泰山濤兩河水溢大饑

至正六

年春二月泰山奉符縣大饑地震七日他縣亦然

大德成化二十一年春二月三月泰山屢震遣官祭

之

正德十六年春三月岱廟東廊火

嘉靖八年泰山蝗九年十年如之十六年六月

泰山漂溺數百人十一月州城火延燒數十家
二十一年泰山蝗不為災二十二年泰山夏再
種麥粟有一本三穗至五穗者知州馬逢伯獻于
朝二十九年十二月岱廟火正殿門廊俱焚古
碑刻亦多毀者三十年六月泰山大水御帳
衝壞人多溺死三十二年泰山大饑民相劫奪
行旅不通三十三年春泰山大饑餓莩藉道
民多取其肉食之

萬曆十四年十月十八日泰山碧霞宮四方來焚

禱者互相踐踏死六十一人今巡撫都御史李

委濟南府通判桑東陽往經理收葬

萬曆

四十八年春正月十九日午時黃風從西北

陡起昏暗蔽日至夜半始止又先于本月初九日

配天門東青龍神口內噴火巡撫王在晉具災異

疏奏聞

岱史第五而字號目錄

賜進士督理山東鹽課監察御史嶺南譚 耀 定

賜進士山東都轉運鹽使司運使豫章甘一驥 閱

賜進士山東都轉運鹽使司同知西浙查志隆 輯

賜進士東右布政前翰林院學士河北張縉彥 則補

鄉進士山東都轉運司以道臣行事登封傅應星 重刻

卷之十五登覽志

周 孔子

漢張衡

魏曹植

晉陸機

謝氏

宋謝靈運

唐李白

杜甫

劉禹錫

李義府

蕭楚才

薛克構

盧照隣

呂洞賓

宋范致冲

查道

梅聖俞

王欽若

元王奕

杜仁傑

元遺山

段輔

張養浩

徐世隆

元好問

王惲

張志

李簡

王旭

賈魯

卷之十六 登覽志

明宋濂

方孝孺

魯榮

汪廣洋

李時勉

王僕

吳節

徐有貞

年富

李裕

周豪

張盛

張文

徐源

喬縉

司馬璽

畢瑜

趙英

夏寶

潘禎

王弼

邵莊

黃景

王經

張嵒

潘楷

劉丙

王守仁

張璿

盧瓊

陳琳

杳煥

秦金

柴奇

邊貢

喬宇

許達

王廷相

趙鵠

查約

許成名

李東陽

章拯

李夢陽

馬汝驥

周相

葉份

王裕

張鯷

張邦教

鄭善夫

方豪

楊祜

陳沂

朱節

胡纘宗

楊志學

李學詩

楊維聰

王謳

蔣瑜

張鐸

邵經濟

劉淮

廖道南

王寵

陳鳳梧

曾銑

蔡經

岳倫

張敬

周疏等

胡經

張袞

潘墳

潘珍

蕭璆

胡仲

龍瑄

白世卿

姚奎

章忱

張鵬

周卿

鄭大同

楊撫

梅守德

竇明

許應元

范瑟

馮驥

黃省曾

蔡汝楠

高誨

李炯然

成周

周津

鄭芸

湯紹恩

傅鎮

李綸

王廷幹

劉盡

王汝孝

郭瀝

經彥宋

仲言永

林應麟

浦應麟

杜泰

谷繼宗

劉爾誠

陶欽臯

袁袞

查秉直

唐禹

徐紳

吳遵

吳伯朋

方正脩

沈應龍

曾鈞

雍焯

何廷鈺

馬三才

段顧言

姜良翰

查秉彝

孟洋

羅洪先

徐文通

王世貞

李嵩

王遴

李攀龍

李先芳

王紹元

孫應奎

魏良貴

楊宗氣

裴紳

王教

牟朝宗

查秉鉞

愈憲

趙勑

曹金

項守禮

朱應奎

陳中

劉璽

王費

呂顥

曹大同

周怡

桑紹良

蘇本

桑正衍

蘇濂

殷盤

徐琳

朱明時

楊時喬

王在晉

按詩中多有可刪但係前人留蹟姑俟後

之君子

御史第十五卷登賢志

叙曰曷志乎登覽也志古今人登覽者之文若

詩若序記是也嘗聞丘壺子曰務外遊不如務內觀故列子自以為不知游而眉山蘓子曰人之忻遇役

於事者常多遊於物外者常少由斯以談遊何容易

偉哉泰山之遊乎躋日觀月觀之高峰可以俯仰宇宙

審採龍文虎阜之奇石可以磨礪壯懷臨天紳聖水

之飛泉可以澣溉精爽尋呂公惠散之幽洞可以寧

吸烟霞豈謂外遊非內觀之助耶要以弧矢四方之

志高人達士之懷古今一也其間遊而能言者暢布
於篇章即岩壑秀偉萬狀若爚入丹青然而其寄興
高遠飄飄然有不局於山水間者彼豈徒以娛耳目
為解騁詞翰為富乎玩物適情固內觀者所不廢也
宣聖丘陵作歌千載絕唱是用冠諸編簡永耀山靈
漢魏而下以迄於今則皆循世次錄焉

詩歌

孔子丘陵歌登彼丘陵峛崺施其阪仁道在邇求之若

遠遂迷不復自嬰屯塞喟然回顧題彼泰山詩辭
其高梁甫回連枳棘充路険之無緣將岱無柯患
滋蔓延惟以永漢涕實潺湲○曳杖消搖於門歌

曰泰山其頽乎梁木其壞乎哲人其萎乎

見禮記檀弓子

貢聞之曰泰山其頽則吾將安仰梁木其壞哲人其萎則吾將安放夫子殆將病也蓋寢疾七日而沒

右晏叔歌本非為登覽作也然觀此則知吾

夫子蓋以泰山自處故併錄之

張衡四愁詩之一我所思兮在泰山欲往從之梁父

艱側身東望涕霑翰羨人贈我金錯刀何以報之

英瓊璣路遠莫致倚逍遙何為懷憂心煩勞

曹植飛龍篇晨遊泰山雲霧窈窕忽逢二童顏色鮮

好乘彼白鹿手翳芝草我知真人長跪問道西登

玉堂金樓複道授我仙藥神皇所造教我服食還

精補腦壽同金石求世難老○驅車篇驅車揮駕

馬東到奉高城神哉彼泰山五岳尊其名隆高首

雲峴嗟哉出太清周流二六候間置一二亭上有

湧醴泉玉石揚華英東北望吳野西眺觀日精

神所繁屬逝者歟斯征王者以歸天效厥元功成
歷代無不遵禮記有品程探策或長短唯德享利
貞封者七十帝軒皇元獨靈參霞漱沆瀣毛羽被
身形發舉蹈虛廓徑庭升窈冥同壽東父年曠代
永長生○仙人篇

仙人攬六著對博泰山隅湘娥
拊琴瑟秦女吹笙竽玉樽盈桂酒河伯獻神魚四
海一何局九州安所如韓終與王喬要我於天衢
萬里不足步輕舉凌太虛飛騰踰景雲高風大我
軀迴駕觀紫微與帝合靈符闔闔正差裘雙闕萬

夫餘王樹扶道生白虎夾門枢驅風游四海東過
王母虛倚觀五嶽間人生如寄居潛光養羽翼進
趨且徐徐不見軒轅氏乘龍出鼎湖徘徊九天上
與爾長相湏

晉

陸機泰山吟 泰山一何高迢迢造天庭峻極周以遠
層雲縈冥冥果父亦有館萬里亦有亭幽岑延萬
鬼神方集百靈長吟泰山側慷慨激楚聲

王凝之妻謝氏泰山吟 嵌嵌東岳高秀極冲青天盡

中間虛宇寂冥幽以玄非二復非匠雲構發自然
器象爾何物遂令我屢遷逝將宕斯宇可以盡天
年

宋

謝靈運

泰山吟

泰宗秀維岳崔嵬刺雲天峽崿既峻

巒觸石輒遷綿登封瘞崇壇降禪藏肅然石間何

瞻萬明堂秘靈篇

唐

李白泰山吟四月上泰山石平御道開六龍過萬壑

洞谷隨縈迴馬蹟遠碧峰于今滿青苔飛流灑絕
巒水急松聲哀北眺崿嶂奇傾崖向東推洞門開
石扇地底興雲雷登高望蓬瀛想象金銀臺天門
一長嘯萬里清風來玉女四五人飄飄下九垓令
笑引素手遺我流霞杯稽首再拜之自愧非仙才
曠然小宇宙棄世何慙哉○清曉騎白鹿直上天
門山山際逢羽人方瞳好容顏捫蘿欲就語却掩
青雲闊遺我鳥跡書飄然落巒間其字乃上古詩
之了不閑感此三嘆自心從師方未還○平明登日

觀舉首開雲闢精神四飛揚如出天地間黃河從
西來窈窕入遠山憑崖望八極目盡長空閑偶然
值青童綠髮雙雲鬟嘆我晚學仙蹉跎洞朱顏蠟
燭忽不見浩蕩難追攀○清齋三千日繫素寫道
經吟誦有所得衆神衛我形雲行信長風飄若羽
翼生攀崖上目觀伏檻窺東溟海色動遠山天雞
已先鳴銀臺出倒景向浪翻長鯨安得不死藥高
飛向蓬瀛○日觀東北傾兩崖夾雙石海水落眼
前天光搖空碧千峰爭攢聚萬壑絕凌歷緬彼饑

上仙去無雲中蹟長松入雲漢遠望不盈尺山花
異人間五月雪中白終當遇安期於此鍊玉液○

朝飲王母池暝投天門闕獨抱綠綺琴夜行青山

月山明月露白夜靜松風歇仙人遊碧峰處處笙

歌發寂聽娛清暉玉真連翠微想象鸞鳳舞飄飄

龍門衣捫天摘匏瓜恍惚不憶歸舉手羨清淺誤

攀纖女機明晨坐相失但見五雲飛○

送范山人

歸泰山魯客抱白鶴別余往泰山初行若片雲杳

在青崖間高高至天門日觀近可攀雲山望不及

此去何時還

右詩刻石本州會真宮內其碑曰方其字古篆甚古雅可玩

杜甫望岳岱宗夫何如齊魯青未了造化鍾神秀陰

陽割昏曉盪胸生層雲決眥入歸鳥會當凌絕頂

一覽衆山小

劉禹錫送東岳張鍊師 東岳真人張鍊師高情雅淡

世間稀罕為烈女書青簡久事元君住紫微金繞
機中叱婦字玉清壇上着霓裳雲衢不用吹簫伴
秋徵乘鸞獨自歸

李義府雋州遙叙封禪 天齊標巨鎮日觀啓崇祠岩

堯臨渤海隱嶧控河沂建封誠為長升功諒在茲
帝猷符廣運玄言暢文思飛聲總地絡載化無乾
維瑞策開珍鳳禎圖薦寶龜東后方四觀西都導
六師天駕移星苑揚罕馭風司拂鼓喧平陸疑蹕
靜通達汶陽馳月羽蒙陰警電輜巖花飄曙肇峰
葉蕩春旗石門環藻衛金壇映黼帷三始貽遐颺
萬歲受重釐非質陶恩獎趨迹奉軒墀觸網淪幽
裔乘徼限明時周南昔已嘆邛西今復悲

蕭楚才奉和辰禮岱宗拂漢星旗轉分霄日羽明將

追會阜頃更勒岱宗銘林戈咽濟岸獸鼓震河庭
葉箭凌寒矯鳥弓望曉鶩已降汾水作仍深迎渭
情

薛克樞奉和辰禮岱宗

龍圖冠胥六鳳駕指云亭紹

烟泛濟浦綠字啓河汀畫棠晨應月文戟曜分星
四田巡揖禮三驅道契經行欣奉萬歲竊抃偶千

齡

盧照隣登封大餚歌

日觀仙雲隨鳳輦夫門碧雪照

龍衣繁絃綺席方終夜妙舞清歌歡未歸

呂洞賓書王母池

昔日曾遊此如今九十春紅塵多

少客誰是識于人○

再書王母池

昔年留字識曾

來事滿華夷遍九垓無賴蛟虬知我字故留踪跡
不沉埋右詩刻石木州會真宮內相傳洞賓手筆也現之近是

木

范致冲

呂公洞

朝遊北海暮瀛洲仙珮何年到此遊

安得相從問丹訣春風同醉岳陽樓○

竹林寺竹

林深處有招提深掩禪關過客稀簷菊花開春欲

暮冷冷鍾磬白雲低○

日觀峰

岱山岳東南第一觀

青天高聳碧巒屹若教飛上峰頭立應見陽烏浴
未乾

查道登岱山凌空疊嶂絕凡埃青帝高居絳節開捧出
海天紅日近迓將蓬島碧霞來石闕閃爍迎陽洞
玉簡光華封禪臺一自祥符禋祀後大平頂上最
崔巍道仕宋為龍圖學士有孝行見孝順事實

梅聖俞登泰山目觀峰晨登日觀峰海水黃金鎔浴
出車輪光隨天行無蹤正是刺我目攢集如劙鋒
照曜萬物興廢滅萬物凶草木旣無命必聞石闕

松當時一避兩安得大夫封人而旬不遇抱簡誦

六龍

王欽若登泰山四顧無雲道路開黃塵迎從六龍來
三神合祭光千古萬旅傳呼動九垓幽鳥似通崑
闐信真松深隱棟梁材已知身世非常事曾到天
門十二迴

元

王奕和元遺山呈泰山天倪布山張真人江右書生
枉白頭杖藜如得此山遊手摩紅日登三觀袖拂

黃埃看九州○泰山
辰齊机魯闢天開左右微垣
列兩班大展明堂俱翕受黃河東畔少遊山○茂
陵封禪壇祥符天子舊明堂秦漢豐碑宿草荒人
世已非壇尚在摩挲老淚濕斜陽○漢柏
膚剥心枯歲月深孫枝已解作龍吟烈風吹起孤高韻猶
作峯頭梁甫音○孫明復石守道祠堂師生高占
二山名千載誰云道義輕岳府栢林風雨夜琅然
猶帶讀書聲

杜仁傑天門銘泰山天門無室宇尚矣布山張鍊師

爲之經構累歲乃成可謂破天荒者也齊人杜仁傑于是乎歸之元氣裂兩儀具五岳峙真形露惟岱宗儼箕踞仰彌高屹天柱浩千劫空來去誰為鑿起天慮匪斤斧乃祝詛一竅開達底處十八盤千步莽初吐抱闔樹日車晏慘曠馭六龍頽莽迴玄蹠此往嘉無數無懷下兵刑措七十君接鑿輶聖道熄彝倫教揖讓欲慕奪屢忽焉闔梗無路象綿森敕訶護朝百靈由茲丘金璀璨朱間布九虎蹲萬夫怖我欲叩闔者堅闔何時坦如故對冕

施獲控想豁蒙蔽泄塵霧剖政疵別民靈上得憲
下安作額血碑帝聰悟差不磨蒼壁豎刻我錦期
孔固垂萬世正王度

元遺山

登岳

泰山天壤間屹如營蕭臺厥初造化手

劈此何雄哉天門一何高天險若可階積蘇與累
塊分明是九垓扶搖九萬里未可誣齊諧秦皇憺
威靈茂陵亦雄才翠華行不歸石壇滿蒼苔古今
一俯仰感極令人哀竒探忘登頓意懶自遲回夜
宿三玄祠崩湧雲雷鶴鳴登日觀四望無氛靈

六龍出扶桑翻動青霞堆平生華嵩遊茲山未忘懷十年望齊魯孤雲拂層崖青壁落落雲間開眼前有句道不得但覺胸次高崔嵬徂徂山頭喚李白吾欲從此觀蓬萊

段輔題李白泰山觀日出圖岱宗巒巒天下雄謫仙

落落人中龍茲山茲人乃相從氣奪真宰慙豐隆玉堂一任雲霧封長肅飛渡秦皇松夜呼日出滄海東冉冉斯於闕濛濛天帝君深九重醉舞踏碎青芙蓉天孫玉女為歛容却視五岳秋毫同長

鯨一去不復逢乾坤萬里號秋虫當年咳唾留絕
峰至今樹石生香風我欲追之杳無踪不意邂逅
會此中屋梁落月依然空

張養浩登岳風雲一舉到天闊快意平生有此觀萬
古齊州烟九點五更滄海日三竿向來井處方知
隘今後巢居亦覺寬唉拍洪崖詠新句滿空笙鶴
下高寒

徐世隆紀夢我夢天倪子同登日觀峰骨彊清似鶴
步健老猶龍方外無官府堂中有岱宗仙閣真福

地杖屨會相從○

送天倪子還泰山九十行年髮

未華道人風骨飽烟霞洞天福地三千里神府仙
閣第一家牛膝藥靈斟美醞兔毫盞淨啜芳芽隱
居自愛陶弘景莫作山中宰相誇

元好問送天倪子歸布山太白詩筆布山頭布鞶青

鞋欠一遊擬欲高人參藥鏡却嫌凡骨比丹丘雲

間茅屋雞犬靜物外烟霞風露秋後日天門重登

覽蹤仙巖下幸遲留

天倪即張志純布山卽布金
山在泰山西南杜仁傑銘天

門序亦稱布山張鍊師或
為天倪接真舊地故云

王惲咏漢柏

蒼柏無城擁漢陵，宮遺樹鬱崕嶸崔嵬。

不植明堂礎，造化潛通岳頂靈。萬壑烟霏封傑
峯，半空風雨撼秋聲。白頭會見東封日，秀映鸞旛
一色青。

張志

題桃花峪流水來天洞，人間一脉通桃源。知不

遠浮出落花紅。○泰山喜雨岱宗天下秀，霖雨遍

人間高卧今何在，東山似此山。

二詩俱刻
大峪溪石

李簡

登岱三峰突兀與天齊，天門未到勞攀躋。層層

石磴出林杪，縈迴百折青雲梯。盤石斲楚舒清眺，

澗壑風來號萬壑水聲俄在樹稍頭疑有於菟天
外嘯向曉纔登日觀峰手披雲霧開鴻濛火輪欲
上海波赤金霞翻動蒼龍宮黃河一線幾千里吳
越山川真地底為數齊州九點青更將伏檻窺東
溟李白不遇安期生安得羽翼飛蓬瀛○朝覲壇
朝覲當年策此壇旌旗影裏簇仙班只今惟有青
山在日暮孤雲自徃還○鄆都峪石洞荒涼樹影
孤州人相語是鄆都古碑猶說韓擒虎為問于今
尚有無

王旭遊竹林寺石徑俯雲壑竹林開幽境寺古僧徒

稀山深嵐氣冷待遊未終興紅日忽倒影曳杖校
暝煙長歌下前嶺○西溪我愛西溪好披雲屢往
來一州煙景合三面畫屏開薄俗無商隱清時有
逸才近巖多隙地松竹更湏裁

賈魯登泰山岱宗何崔嵬群山無與比使者久塵囂

望之不勝喜無緣凌絕頂詣祠聊致謳夫何一歟
存千間暴遺圮人言遭刦火金源亂兵裏感此廢
昔年傷今未能理飛奏入彤庭經營良在邇柰何

齊魯饑百姓食糠粃神号願效靈穰穰多樂祀行
當復故宮金碧蕩瞻視